

geleisteten Endes ernsthaftig erinnert / beneben von  
jeden drey tausent Gilden / einen Soldaten zuerhal-  
ten / vom Erbarn Rath aufferleget worden / / worü-  
ber die löbliche Bürgerschaft alsbald eingewilliget /  
vnd in der stille / zur *defension* vnd zu Beschützung ih-  
rer Stadt / frisch Krieges Volck werben zu lassen / sich  
vnter einander wol verglichen vnd vertragen ha-  
ben.

Den 9. diß / damit das Keyserische Volck / zu ih-  
rem heimlichen Vorhaben mit Brod vnd Bier / gnug-  
samb versehen seyn möchten / haben die Obersten die  
Anordnung gethan / daß sie sehr viel Getreidig / als  
Rocken vnd Gersten / nach Stettin in die Stadt ge-  
schicket / darvor zweybacken Brod vnd Bier genom-  
men / vnd dasselbige alles nach Griffenhagen führen  
lassen.

An diesem Tage / nemlich den 9. diß / hat des Kö-  
niges in Schweden Kriegesvolck zu Stralsundt / auff  
bewilligung vnd zulassung beyder darinnen *commen-*  
*direnden* Obristen / einen gar grossen starcken Auf-  
fall gegen Griffswalden gethan / denselben viel Rin-  
der / als Ochsen / Kühe / Schweine / Gense / vnd ande-  
re Sachen mehr / weggetrieben / vnd haben alles in die  
Stadt Stralsundt gebracht / Vnd ob wol die Bür-  
ger in der Stadt Griffswalde sich haben wollen ih-  
res Viehes annehmen / so sind sie doch gegen die  
Stral-